

CASO DI HIT & RUN FATAL RIBA BOULEVARD

ORANJESTAD (AAN): Ayeramainta despues cu tur esfuerzo a worde haci di parti di Medicinan, a drenta informe na Central di Polis cu e victima di accidente a fayece.

Pa 6'or di mainta Central di Polis ta worde notifica cu riba Boulevard na Interbank un ciclista a worde herida seriamente pa un vehiculo. E chofer despues di e accidente a sigui core lagando e victima benta riba caretera.


Esnan den vecindario cu lo a nota un persona drumi herida riba caminda a drenta den contacto mesora cu Polis. Inmediatamente un patrulla a worde despacha pa e sitio y alaves a worde solicitada pa un ambulans cu urgencia.

Polis a tuma nota di e victima cu a ricibi bastante sla na curpa. Pero e prome informe a worde constata cu un vehiculo lo mester ta envolvi. E investigacion na e sitio a conduci cu lo ta trata di un vehiculo tipo Nissan color blanco cu tinted-glass y dificilmente lo por a reconoce cara di e chofer.

Mesora a inicia un investigacion profundo y lo demas autoridadnan a worde poni na altura.

Mientras tanto e victima a worde transporta cu urgencia pa hospital. Na momento cu e victima a drenta Policlínica, docternan a constata mesora cu e victima a ricibi bastante sla. Nan tabata teme pa bida di e victima.

Alavez, na e momentonan ey no por identifica e victima ainda. Polis tabata tin sospecho cu lo por ta trata



aki di sea un persona procedente di Haiti of Jamaica.

Specialistanan a laga pone e victima den Unidad di Cuido Intensivo pa asina aparatonan controla su

sistema.

Pa den careda di 10'or mas 20 minuut a drenta informe na Central di Polis cu e persona envolvi den accidente a fayece. Especialista Dr.

Vallejo a constata morto.

Tabata trata aki di e homber yama Dexder Ottley Wharwood, naci na Jamaica riba e fecha 10 di maart 1967. E tabata traha na

Tamarijn Beach Hotel y ta biba na Boroncana 7-A. Conocirnan a reconoce e victima ya menciona.

Cu e accidente cu resultado fatal aki, Dexder Wharwood a bira e 12 victima den un trafico inseguro.

Departamento di trafico a sigui investiga e caso ya cu te cu ayera pa merdia ainda e chofer no tabata conoci.


Segun informe algo pasa di 1 or di merdia lo a logra di detene e chofer y confisca e vehiculo na su cas na Mahuma.

Aparentemente e yamada cual Cuerpo Policial a emiti mesora despues di e accidente lo a duna su efecto cu por a logra di haya e auto.

E chofer di inicial R.C.A.M. di 19 aña, mesora despues di su detencion a worde interoga riba e suceso.

Na famia di e fayecido DIARIO ta extende palabranan di condolencia.

E MUCHA MAL CRIA A HAYA STRAF!!!



JOB OPPORTUNITY

★ Full Time
Kitchen Attendant
Night Shift
5pm - 1am ★

Apply in person at

TACO BELL

SASAKIWE
Open 10am to 12am